

LUTRIJA BOSNE I HERCEGOVINE d.o.o.
SARAJEVO

Broj: 2773-9-SH/22

Datum: 16.12.2022. godine

Na osnovu člana 69. stav (3) Zakona o javnim nabavkama BiH („Službeni glasnik BiH“, br. 39/14) i člana 14. Pravilnika o javnim nabavkama Lutrije BiH br. 2805/19 od 17.09.2019. godine, direktor Lutrije Bosne i Hercegovine donosi

O D L U K U

**o otkazivanju postupka javne nabavke po otvorenom postupku
za javnu nabavku broj 153/22 od 02.11.2022. godine za LOT 3**

1. Otkazuje se postupak javne nabavke usluga br. 153/22 od 02.11.2022. godine za LOT 3, putnička motorna vozila za potrebe Lutrije BiH, objavljenom na Portalu javnih nabavki BiH pod brojem 523-1-1-144-3-88/22 dana 02.11.2022. godine i u Službenom glasniku BiH br. 74/22 dana 04.11.2022. godine

LOT 3: Putničko kombi vozilo sa 9 sjedišta

Otkazuje se postupak javne nabavke u skladu sa članom 69. stav (3) Zakona o javnim nabavkama BiH, zbog dokazivih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

2. Za realizaciju ove odluke odgovoran je Sektor za pravne i opšte poslove.
3. Dalji postupak po ovoj odluci provesti u skladu sa Zakonom o javnim nabavkama BiH, te Pravilnikom o javnim nabavkama Lutrije BiH.
4. Ova odluka se primjenjuje danom donošenja.
5. Odluka o izboru najpovoljnijeg ponuđača broj 2773-6-SH/22 od 08.12.2022. godine za LOT-u 3 stavlja se van snage.

Obrazloženje

Dana 08.12.2022. godine pod brojem 2773-6-SH/22 donešena je Odluka o izboru najpovoljnijeg ponuđača za javnu nabavku 153/22 od 02.11.2022. godine, putnička motorna vozila za potrebe Lutrije BiH. Po navedenoj Odluci, izabrana je ponuda ponuđača „AC QUATTRO“ d.o.o. Sarajevo i to za LOT 1 - Putnička motorna vozila kategorije M1, za LOT 2 - Putnička kombi vozila do 5 sjedišta i za LOT 3 - Putničko kombi vozilo sa 9 sjedišta.

Dana 15.12.2022. godine zaprimljeno je obavještenje od ponuđača „AC QUATTRO“ d.o.o. Sarajevo o nemogućnosti isporuke vozila za LOT 3, i u kojem se navodi:

“Ovom prilikom obavještavamo vas da nismo u mogućnosti isporučiti vozilo po LOT 3 - Putničko kombi vozilo sa 9 sjedišta shodno odluci o izboru najpovoljnijeg ponuđača po otvorenom postupku za javnu nabavku 153/22 od 02.11.2022. Usljed nedostatka poluprovodnika/čipova na globalnom nivou sva vozila sa pogonom na sva četiri točka su pod “restrikcijama” i statusu “bez proizvodnje”.

U cilju dosadašnje veoma dobre saradnje nadamo se da će te razumjeti naše razloge nemogućnosti potpisivanja Ugovora za gore navedeni LOT.”

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, može se izjaviti žalba Uredu za razmatranje žalbi BiH putem Ugovornog organa i to na način propisan odredbama člana 99. Zakona o javnim nabavkama, u roku od 10 (deset) dana od dana prijema ove odluke.

Dostaviti:

- Sektor za pravne i opšte poslove
- Sektor za finansijske poslove
- Sektor za tehničke poslove
- Ponuđačima po javnoj nabavci broj 153/22
- Komisiji za javne nabavke
- Nadzornom odboru
- a/a.



DIREKTOR
Edhem Pašukan
Edhem Pašukan